



123

QUÆSTIO MEDICA.

*Quodlibetariis Quæstionibus manè discutienda in Scholis
Medicorum, die Jovis 31^a Decembris 1716.*



M. JOANNE-BAPTISTA DOYE,
Doctore Medico, Præside.

*An præcellentia Medicorum ab Idiosyncrasiarum
accuratori notitiâ?*

I.

ELEMENTA Peripatetica-ne, an Chymica, profitearis, parùm refert, modò quæ scaturiunt ex elementorum conjugis crases diligenter internoscas. Hæ mille sunt, quot in orbe figuræ. Temperamenta vocant Medici; quæ nituntur ad summa genera revocare; atque hæc sæpe-numerò nominibus humorum appellant; & in universum temperamenta biliosa, pituitosa, melancholica, sanguinea nuncupantur: Non arrident omnibus ista prædicamenta. Temperamentum enim non in humoribus, nec ab humoribus; sed ab anterioribus vitæ principiis, nimirum à semine & à sanguine menstruo: (scilicet ab ovo, vel à vermibus hominem subnasci commentum.) Ac nedum temperamentum ab humoribus sobolescat, humores nanciscuntur indolem temperamenti. Non tam à cibis sulphureis biliosa fiunt viscera, quàm à sulphureis visceribus evadunt biliosa nutrimenta. Nam quantumvis abundant cibi sulphuribus, si phlegmatico

& torpido ventriculo demergantur, exolefcit ut plurimùm eorum vis, & qui conficitur ex eis chylus fanguis-ve brevi fit evanidus. Hic murus aheneus esto, temperamentum genuinum cognoscere, quod, vel fi furcâ velis expellere, tamen ufque recurrit.

I I.

A Temperamento vivendi, valendi, & ægrotandi causæ; Nique faustum & favorabile fit, frustrâ suscipitur morborum curatio. Gaudeat *Uranus*, præditus visceribus vividis, ad secretionem inprimis apprimè concinnatis; unde non inturbentur vitæ munia, & si qui subrepunt obices, facile solvantur. Rara avis. Nam mortalibus, ex quo tellus cœpta coli, nunquam sincera bonorum fors ulli concessa viro est. Suam Idiosyncrasiam quisque sortitur nascendo, sine vitis nullam; optima hæc est quæ minimis urgetur. Inde morborum & lethi necessitas; sed inde singulariter morbi peculiare & proprii, qui, quantumvis videantur non absimilibus aliorum hominum morbis affines, discrepant tamen plurimùm pro ægrotantium diversitate, multumque diversas suadent medicandi rationes. Hoc opus, hic labor est intimas temperamentorum differentias rimari, perspicere. Oedipi soli potuere.

I I I.

TEMPERAMENTORUM ingenia dignoscuntur ex habitudine corporis, ex functionibus physicis, atque ex his quæ corpori, profunt & obfunt. Inter habitudines præferuntur carnosæ, non pingues; firmæ; non molles. Physicas inter functiones, Chyloleos inprimis habitor ratio. Inter ea denique quæ profunt, ea quæ generatim hominibus familiaria sunt & utilia præ cæteris æstimantur. Habitus carnosus denotat Evæciam, & Evæcia viscerum Eucrasin, quam qui ab imaginario æquilibrio derivant, non minùs obtusè sentiunt, quàm qui temperamentum olim admittit.

3

bant ad pondus. Exquisita Chylosis, quam ad tritum referre, videtur esse occillantis hominis; ad fermentationem verò, hominis inquieti, perfectam Oulomeliæ corporis indicat diathesin; etenim in ventriculum refruere solent aliarum coctionum vitia, quibus amoris, jucundè potitur appetentiâ suâ naturali, quam hîc liceat definire sensationem ab exhaustione, rectiùs quàm à præpollente Acido, quo Eheu quando desinent acescere & flaccescere ratiocinationes Medicorum! Tandem vulgaria vitæ fulcimina valetudinem designant non titubantem, sed vegetam. Extraordinaria vivendi norma hominem arguit imbecillum.

I V.

¹
VERUM homines benemulti gracili sunt habitudine corporis, & agunt vitam tamen beatam. Nonnulli delicato admodum sunt stomacho, vivunt & parvo benè. Quidam insolentium & inusitatorum ciborum sunt cupidissimi, nutriuntur & illis feliciter. Tres tibi Convivæ propè dissentire videntur. Renuitur ab illo, quod jubetur ab altero. Hic vel solidissima quæque dissolvit, offenditur ille vel mollissimis. Dulcibus hic gaudet, hic delectatur amaris. Nonnullis pariunt pinguia nauseam, quæ sunt suavia plurimis. Talia & alia multa quotidie comperiuntur, quæ infinita propemodum esse temperamentorum discrimina comprobant; quibus sanè Medicum intentum esse necesse est, tum ut convenientes sanitatis tuendæ leges imperet unicuique, tum ut morbos ab unoquoque tutò depellat.

V.

SCILICET in arte faciendâ non decet Medicum disvagari. Non curatur Homo, sed Socrates. Exploratis pathognomonicis Idiosyncrasiarum signis, amandantur nugatoria philologorum systemata, quibus hâc ætate Medicina turgescit hydrops; nonnisi congruenter & appositè de morbis discurritur; semperque fertur æquum de morbo-

rum eventu iudicium. Ubi restituitur sanitas, plaudit sibi Medicus, quòd aptum scienter exhibuerit remedium; ubi doctâ plus valet Arte malum, non piget Medicum aut aberrationis aut inscitiae: verbo dicam, nec cæcutit, nec trepidat.

*Ergo præcellentia Medicorum ab Idiosyncrasiarum
accuratori notitiâ.*

Domini Doctores disputaturi.

<i>M. Franciscus Pouffe.</i>	<i>M. Camillus Falconet,</i> <i>Regia utriusque Aula</i> <i>Equestris Medicus or-</i> <i>dinarius.</i>	<i>M. Alexander - Petrus</i> <i>Mattot.</i>
<i>M. Thomas - Bernardus</i> <i>Bertrand.</i>	<i>M. Hyacinthus - Theodo-</i> <i>rus Baron.</i>	<i>M. Alexius Littré, Regia</i> <i>Scientiarum Academia</i> <i>Socius.</i>
<i>M. Ægidius Adam,</i>	<i>M. Joannes - Nicolaus de</i> <i>la Hire, è Regiâ Scien-</i> <i>tiarum Academia.</i>	<i>M. Petrus - Joannes Bu-</i> <i>rette, Professor Regius,</i> <i>et è Regiâ Numisma-</i> <i>rum Academia.</i>

Proponebat Parisiis GABRIEL - ANTONIUS
JACQUES, Parisinus, Baccalaureus Medicus,
A. R. S. H. 1716. à sextâ ad meridiem.

Typis JACOBI QUILLAU, Universitatis & Facultatis Medicinæ
Typographi.